

愚

齋

存

稿

愚齋存彙卷第七十一目錄

電報四十八

寄端午帥

又

寄武昌張宮保杭州張中丞

寄蘇撫陳筱帥

端午帥來電

北京孫中堂家鼐楊丞堂士琦李侍御灼華石侍御長
信呂編修佩芬李編修經畬來電

農工商部來電

端午帥來電

外務部來電

度支部來電

端午帥陳筱帥蔭午帥來電

寄外務部

寄鄂張宮保湘岑中丞

南京端午帥來電

張宮保來電

杭州張中丞來電

寄度支部紹越千侍郎英

寄張宮保

寄江甯端午帥蘇州陳筱帥清江蔭年樓軍門

端午帥來電

度支部來電

外務部來電

寄北京孫中堂楊丞堂李石兩侍御呂李兩太史

皖省京官孫中堂等來電

寄江甯端午帥清江蔭軍門

端午帥來電

寄廣州周玉帥

署桂撫張堅白中丞來電

寄外務部

寄端午帥陳筱帥

端午帥來電

寄皖省同鄉京官孫相國諸公

外務部來電

寄張宮保

端午帥來電

又

又

又

寄端午帥

端午帥來電

又

寄端午帥

端午帥來電

又

寄端午帥

又

寄江甯端午帥鎮江張季直殷撰清江許九香觀察

寄江甯端午帥徐州袁道台田太守

北京惲薇孫學士來電

寄端午帥恩新帥

端午帥來電

寄北京農工商部唐蔚芝侍郎

寄端午帥

端午帥來電

寄端午帥

寄江甯端午帥清江楊道台分送安東唐紳錫晉桃源
廉紳兆鏞阜甯宋紳滋修淮安高紳長頤海州宋紳治

基轉送沱陽劉紳增青口嚴紳國鈞徐州袁道台田太
守吳丞憲奎宿遷柳紳遲轉送蕭縣韓紳景奎睢甯邵
紳聞洛陳紳慶麟密灣轉送劉紳康遐

寄安慶馮方伯煦壽州卞觀警緒昌

安慶馮夢華方伯來電

端午帥來電

愚齋存彙卷第七十一

電報四十八

寄端午帥

光緒三十二年十一月初八日 臣大臣會

運照辦法便商惠民盡籌甚佩歸振戶口第一批不及清查應懇護照散給因次貧甚多故須區別迨兩月後放第二批必須另查已歸之戶只放極貧方能與在籍一律是否仍乞指示銅元乞援鄂浙已分別電商得復再聞

又十一月初八日 臣大臣會電

據沈道敦和函稱義振善會創議復經滬道函致各領

事轉達各國政府原係仰體督帥之意勸募各島華僑
廣爲樂助茲據李德立聞英領事電稟駐京英使面告
外務部擬再電達各政府外務部因無滬電礙難允答
查此次善會之設所以欲告各國政府者無非動華洋
紳商之感情並非向各國募捐且與國際無涉現將此
情由滬道再向各領詳陳仍請電達各駐使矣伏懇電
達督帥轉達外務部倘各使再來詢問俾可詳答等語
應如何辦理之處伏候卓裁示復

寄武昌張宮保杭州張中丞

十一月八日

呂大臣

頃接端午帥麻電因江南北振款需用銅元過鉅現鑄

不敷已電請度支部暫寬鑄數並派司員來甯監鑄部
電已有允意惟照准尙未奉文添鑄尤需時日現值官
義合辦災重款鉅銅元缺乏員紳特此散放饑民恃此
救命非就近乞援鄂浙協助存亡呼吸所關不細查此
次振款兌換銅元經午帥特別允許每湘平銀一兩易
銅元一百七十枚可否仰求垂憫災巨款絀情形准照
甯局定價辦理當囑義紳持銀親赴貴省分批兌換徑
解災區以明並非他用鈞右關懷大局一視同仁倘荷
破格允行再酌定銀數奉達除電商筱帥香帥外不勝
感禱待命之至

寄蘇撫陳筱帥

十一月初十日

呂大臣會電

常州芙蓉圩災重情形已詳布募啟宣過蘇並經面求
淮災該圩陽湖連黃天蕩無錫連楊家圩江陰連馬家
圩籽粒無收已據各紳董覆查陽湖折成一萬口無錫
折成四千口江陰折成二千口不能再少現與諸紳約
擬放冬春雨振仍官義合辦除由敝處撥錢一萬六千
千外可否仰乞官振亦如數照撥時日方長此外由本
籍紳富自行接濟湊成三振庶可活命宣誼關桑梓尤
切禱求候示卽補公呈錫紳章鈞因病另舉浙江候補
道孫鵬圻請改委

端午帥來電

十一月初十日

並致呂大臣

官放冬振定爲極貧每日一千交義紳隨查隨放
委札已經繕寄惟災民所領官義兩振俱係錢文
必須米糧價平始霑實惠自非招商廣運米糧不
可昨已由江電通飭江北各關局嗣後運往徐淮
海三屬米糧無論官運商運有照無照是米麥是
雜糧一概免完稅釐並嚴禁書差司巡不准稍有
需索留難一面由敝處撰發四言告示招商廣運
以資接濟祈卽轉告各義紳查照

北京孫中堂家鼐楊丞堂士琦李侍御灼華石侍

御長信呂編修佩芬李編修經畚來電十一月初十日並

致呂大臣

本年皖省被災極重迭接鳳潁泗道卞觀察及地方官來電言災區至廣饑民流離失所滿目瘡痍情形極慘亟盼義振以助官力之窮等語本年各省同時被災而尤以江皖情形爲最現在上海提倡義振注重於江南北一帶而於皖境兼顧未遑雖淮揚郡饑民麇集未必無闖入之皖民而義振之法總以從源頭上起於原災區散放庶實惠可冀均霑鼎等誼切桑梓爲民請命素仰痼瘼在抱

博濟爲懷登高一呼眾山皆應務懇視同一體於
現籌江南北義振兼及皖境募集若干陸續彙撥
災區均勻散放至紉雲天無量企禱

農工商部來電 十一月十一日

同濟借款撥蘇振摺上奉 旨依議欽此原奏內
稱如蒙 俞允卽將前款匯交盛迅速歸入義振
散放一面分咨山西及度支部遵照等語茲先由
該部銀行將庫平銀八萬兩迅匯希欽遵速放爲
要

端午帥來電 十一月十一日 並致呂大臣

據楊道青電奉陽電詳示呂盛兩大臣章程十七條周密之至曷敢再有異議惟其中有應變通辦理者不能不據實直陳一浦廠發照遣回只能給十日口糧若再加路費無此財力一護照內已填寫某村卽不必再分東南西北一護照本係陸續發給只能送出境外若必分批押解實無許多委員可派一浦廠因人數太眾不得不急圖資遣如義紳已到之處卽應次第遣回其義紳未到之處暫緩辦理若再曠日持久浦廠力何能支一護照內已經暗作記號知照各義紳印委然只能按戶

分極貧次貧不能按口分極次外屬來浦者極貧居多非回籍後覆加查驗不能得實一浦廠現已出示定於十一月底停撤眾至四十萬卽每日遣散二萬已非二十日不可如遇雨雪未便強迫斷難再事遷延一浦廠本擬招夫辦工向來江北作工之人均挈簪搭棚住宿其中如有願回者當照給十日口糧一律發照一要隘派隊堵截早已稟請提帥分撥一各災區委員如安東桃源海州贛榆沈陽阜甯六處早經派員詳報有案清河係設分局五處派委員五人與呂盛兩大臣四鄉設局

之議正同山陽災本輕已據張守稟報督同印委
趕辦可不致誤一浦廠如能將數十萬饑民概行
遣回所有運到米糧卽分撥各處設局平糶一律
放錢不必放糧糶出之錢卽充作振款與呂盛兩
大臣辦法亦合等語祈酌核示復

外務部來電

十一月十一日

並致呂大臣端制

准駐美梁大臣庚電稱江蘇振務美總統以中美
邦交向固特諭美民募捐相助並諭議院撥運船
載糧食交上海振濟乞轉江督等語查此事亦見
路透電報固爲美國義舉惟運糧食來辦振濟將

來報施之道於運糧一節日後有無流弊希密籌
電復

度支部來電

十一月十一日

並致呂大臣端制

今日奏准江南寬鑄銅元以濟振務奉 旨依議
惟應多鑄一文最便民用如何使銀錢糧價各得
其平應由貴督撫大臣妥商辦理餘詳文

端午帥陳筱帥蔭午帥來電

十一月十一日

並

頃會陳筱帥蔭午帥銜電軍機處代奏其文曰蘇
省水災情形經方等電奏初八日奉電傳 懿旨
前已頒發帑銀十萬兩又准給漕折銀三十萬兩

並諭度支部續籌接濟著再賞帑銀十萬兩等因
欽此仰見 皇太后 皇上憫念災黎恩施稠
疊鴻敷百萬泣戴 皇仁方等亦得稍寬罪戾無
任悚感屏營近日疊據淮楊道楊文鼎來電清江
留養徐海災民幾及四十萬日日須銀萬餘兩災
民暫雖得食而無棉衣者甚多大雪嚴寒恐多凍
斃且災民麇集一隅所需錢米過鉅接濟爲難勢
頗岌岌其散入蘇松一帶者亦日有所聞鎮江揚
州江甯就振之民有增無減莠民混跡其中地方
在在堪虞方等一面廣籌米穀銅元運濟一面派

安徽候補道許鼎霖馳赴徐海散放急振漸可招
集流亡並派丁憂知府魏家驊襄辦淮安振務惟
遣回本地領振須較清江留養稍優方能招令還
集並飭淮徐二道起修隄堰以工代振約計需款
二百餘萬常捐久成弩末閒款羅掘一空上累

宵旰焦勞 天恩優賚至再至三方等智盡能索
何敢再有瀆請而所短甚鉅需用尤多息借商款
則重累公家加鑄銅元則飲鳩止渴且皆難得巨
數如湯沃雪部庫與疆臣同一奇窘籌措爲難方
等亦所深悉迫不得已查有各省解滬賠款鎊餘

一項除部提八百萬外所存尙多明知鎊價漲落無常惟藉此尙可燃眉救急擬請查照粵省援充振耀成案自三十一年起將蘇省賠款鎊餘由滬道核明結數撥濟急振仍俟振務完竣卽行截止此項輸自蘇省百姓還以拯濟蘇災旣於賠款無礙於部款亦無出入而蘇省得此大宗的款人心頗定保全甚大設將來鎊價增漲所擴不敷當由蘇省加籌補足不使部臣爲難此外尙有廣西實官捐已逾部定百萬原額礙難退還已經呂盛兩大臣電奏懇 恩將逾額捐款撥充蘇省振濟現

皖北災重款絀正在爲難此項逾額捐項如蒙准撥並當分撥三成濟皖以上兩項並懇 特恩允准實於蘇皖大局裨益匪輕方等現飭淮徐二道大修運河隄工劃定地界各專責成計可招集饑民數萬人前往工作合之老弱隨往者約可遣散十餘萬人其餘設法資遣務使陸續回籍此項撥款除充急振外卽備河工之需籌款如此艱難方等自當督飭該道等撙節動用庶鉅款無虛擲之虞萬眾蒙重生之惠請代奏謹以奉聞

寄外務部

十一月十二日

呂大臣會電

頃奉真電美國撥運船載糧食來辦振濟將來報施之道有無流弊令卽密籌電復查美國議約時雖不及糧食一事英日葡均堅以爲請力拒始罷今美總統特諭議院撥運船載糧振濟日後流弊不可不慮查糧食從遠道運來核價必貴長江以西運河以東歲尙豐稔督撫官振做處義振均已派員四出採購糧食並免稅釐各就近處運往災區烟台現辦玉米每擔不過二兩五錢甌甬現辦山芋乾每擔不過一兩五錢高粱價亦不貴但求散錢不使缺乏尙可接濟運糧一節似可婉謝美邦旣荷募捐相助已綏格外交誼若有捐款中國尙

可設法購糧似可請止其來除電江督另再酌復外乞鈞奪

寄鄂張宮保湘岑中丞

十一月十二日

薩蒙電示奏稿雄師到日重顧萍礦昨已在萍將其頭目拿獲矣具仰盡籌制勝不徒私感林道青電奉堯帥密電安源尙有頭目三人礦工眾多來去無常但頭目既溷跡該處其匪黨難保無藏匿礦工之內暗圖勾結宜所以一聞萍醴起事星夜籲求派兵鎮壓正慮此也胡應龍一營雖已回駐安源平時彈壓則有餘捕拏匪黨則不足擬求香帥暫留一營駐萍不僅顧礦兼可綏

靖地方以遏亂萌其餘營隊分赴湘境助勦庶不致顧此失彼宣一面密飭林道等乘此兵威將礦工認真嚴剔以期持久無弊乞鈞裁

南京端午帥來電

十一月十二日並致呂大臣

午接外部真電以准駐美梁大臣電美總統諭美民募捐撥郵船運糧助振將來報施之道及有無流弊令密籌電復等因尊處想同悉茲擬會銜復電文如下真電悉美係民主助振義舉出自眾民美意未便相卻前舊金山震災我國助振美曾辭謝但彼力有餘各國之款皆不受我今方各處募

捐與彼情形不同未可並論將來如遇彼災荒仍可報施至外國運糧來華本係條約所准向不收稅並無流弊惟糧到中國後辦振仍應華董經手前李德立辦華洋義振公會時已與商明此糧亦應一律辦理可否電梁大臣轉達並致謝請鈞部酌核並乞示遵云請公裁酌如以爲可卽請電復仍由敝處會尊銜拍發

張宮保來電 十一月十二日並致呂大臣

江南北災情甚爲系念義紳來漢購銅元自當竭力應付惟鄂省銅元皆係商號行銷仿照市價官

不能抑勒尊意擬每銀一兩易銅元一百七十枚
與武漢市價懸殊太多官局商號皆不肯認此鉅
虧似仍以照市價兌換爲妥本年荊州江陵監利
潛江等處水災甚重災民數十萬無居無食現正
一面放賑一面趕修隄垸以工代賑需銀數十萬
需銅元亦甚亟束手無策焦急欲死強健之夫方
能從井救人若自己係餓殍尪怯之人入井未半
而已斃矣安能救人哉賠償售銅元一節勢難遵
辦尙祈鑒諒然讓已買賤價之銅六千擔與江南
端午帥鄂已坐虧六七萬金此卽因尊處兩電振

款銅元起見故勉強曲從似亦與賤售銅元無異
也想蒙明察湖北修隄工振之款數十萬皆係用
七釐息借來者其難可知

杭州張中丞來電

十一月十二日並致呂大臣

奉電商借銅元當與司局核籌浙廠本應停鑄因
墊借甚鉅無款抵償故就存銅奏明儘鑄陸續還
欠並無多餘又以浙西災廣奏經部議飭於浙庫
續撥振銀十萬多方摒湊尙短數萬仍須挪及銅
元若論款力實難兌出惟事關濟振公義所在謹
遵來示兌價請以湘平六萬爲度勉竭棉薄尙祈

鑒原

寄度支部紹越干侍郎英

十一月十三日

桂捐逾額聞岑督張撫均欲頂奏桂省實情尙不甚竭
歷諒所洞知而鎊餘若一省截撥勢必紛紛援請與其
撥動鎊餘似尙不及准撥額外之桂捐一免本省頂奏
二免他省效尤三則鎊餘是部中應收之款有損於部
桂捐是已駁應退之款無損於部也乞密察

寄張宮保

十一月十三日

林道蒸電懇求暫留王協統係防黨羽乘機滋釁起見
鄂軍到萍卽獲巨魁實已不虛此行宣昨請留一營駐

礦係因鄂軍諒須赴湘助勦故不敢請全留若竟全撤
餘黨焚掠莫可拯救是何異先生之而仍死之乞垂察
寄江甯端午帥蘇州陳筱帥清江蔭午樓軍門十三日
呂大臣會電

奉歌電無論官運商運米麥雜糧一概免完稅釐嚴禁
司巡需索均深感仰頃據初七日沅陽辦振義紳函釐
局扣備振麥船二十餘日饑民和菜煮食之豆餅每斤
亦捐錢二文小販裹足餅無買處并據宿遷義紳函近
日該處采辦饑糧各卡照舊勒完釐金又迭聞淮揚一
帶情形相同令人痛惻當此流亡載道待糧延命之時

猶復橫行勒索可謂全無心肝卽論違背 恩旨蔑視
憲令亦屬罪無可逭擬請卽日查明參辦以儆其餘庶
百萬災民不致遽淪溝壑

端午帥來電

十一月十三日

軍機處十二日電奉 旨端方陳夔龍蔭昌等電
奏悉廣西實官逾額捐項前據呂海寰盛宣懷奏
請已有 旨著毋庸議所請將賠款鎊餘撥濟急
振之處著度支部速議具奏欽此桂捐一事是已
無可設法鎊餘卽經部議准亦不過三四十萬爲
數有限現在司庫已挪墊五六十萬而各處振務

甫經開辦需款浩繁爲之奈何除俟接准部電卽行電達外特聞

度支部來電

十一月十四日並致呂大臣各督撫戶部銀行總辦

賠款鎊餘留備不敷之用應勿庸議所有振款已另案由廣西溢收捐項內撥銀六十萬應用本日具奏奉 旨依議特先電聞餘文詳

外務部來電

十一月十四日並致呂大臣

聞蘇省紳商曾請各國助振美總統諭美民募捐諒卽因此是否請於領事抑請於商會希查明再酌曩遇舊金山災奉 旨助款美廷未受此次美

募款相助如有關國際亦應婉辭非僅糧食宜卻也

寄北京孫中堂楊丞堂李石兩侍御呂李兩太史
四日 呂大臣會電

皖北災情不亞江淮前已在上海義振項下撥銀二萬兩由曾道鑄施道則敬匯解恩新帥附放明知爲數太微但現在徐淮海災深款絀籌墊之數不敷甚鉅近又息借度支部上海銀行十萬兩應急此外亟須續籌尙無着落自顧不暇實無餘力兼營非敢意存畛域頃與伯行京卿籌商伯行之意蘇省現由督撫電請將償款

鈔餘協振 旨交部議皖同一律如由鈞處電懇新帥
援案電請諒可邀允又華洋合辦義振會本係江皖並
振已與華洋會員商定均勻撥款以資接濟重以諄誨
如有善策再當報命歉疚乞原

皖省京官孫中堂等來電

十一月十五日並致呂大臣

近歲偏災迭見籌振本自爲難今年淮徐海一帶
災區旣廣饑民更眾辦理情形原非易易若復統
籌皖北自是力有不遑惟查大江南北戶部先後
共撥銀一百十萬加以商部十萬共計一百二十
萬稍籌均濟似尙不難此次政府注重災區實由

饑民聚集爲數太多萬一爲匪勾結善後愈難皖
北民情强悍同於淮海亦自岌岌可危殫等實非
爲爭振起見仍求統籌兼顧至所感盼

寄江甯端午帥清江蔭軍門

十一月十五日 呂大臣
會電

據振紳電江北運河日涸錢米船阻滯關係運振緊急
恐天寒愈退愈涸益礙運道乞飭隄工局趕速設法疏
通勿拘常例或委大員馳勘尅日逐節蓄水以便暢行
治標之計關繫緊要伏望主持

端午帥來電

十一月十五日並致呂大臣

承示李德立返滬會議洋振立意自放並云在甯

鄙人所言應由華董經手並未承認等語此節關係甚重李在甯時弟與面談彼的確應允實非未經承認何可食言兩公及弟電奏內亦均敘明此意尤未便率自改變務乞兩公再與婉切磋商告以業經奏明務照原議辦理若必自放無窮中止尚勉強遷就萬一生出釁端轉恐得不償失也愚昧之意尊意以爲如何乞示

寄廣州周玉帥

十一月十五日

呂大臣會電

江南北災情公所洞悉現較公移節時更爲喫重各災區待振尤亟流亡屬集清淮揚鎮等處已四十餘萬人

嚴寒倒斃日多道殣相望留養資遣在在需錢計現分
十四路官義合辦冬春併振需款每次約錢百萬千減
無可減等無可籌已詳奏案兩次 賞帑截漕並撥桂
捐溢款僅資官振敝處義振已撥錢五十萬千只敷一
振之半苟非各省官紳商同心協助實難爲繼幸賴各
省顧全鄰誼矜恤災黎均經陸續伙助粵省財政雖窘
究尙可籌況災區千里皆公舊疆災民數百萬皆公
赤子知公必有惻然憫念者何忍不一援手耶募集需
時萬不及待伏懇俯鑒慘苦迫切情形先行賜墊鉅款
數萬兩從速匯滙撥放嗷嗷哀鴻忍死須臾以俟大澤

之至功德甚偉鵠企惠音

署桂撫張堅白中丞來電

十一月十五日並致甯督帥蘇撫帥清江提台

呂大臣

率度支部寒電廣西溢收捐款經部議提六十萬
撥交江督濟振今日奉 旨依議等因廣西窘迫
各省皆知值此久亂之後一切善後新政事宜均
因無款未及興辦本年左右江一帶又復春潦秋
旱荒蕩徧野災區之廣籌議之難尤非他省可比
得此溢收捐款除辦理災振外所餘無多以之籌
辦善後新政各事尙難周轉本無餘力可以協濟

江省惟念本年江北一帶災情甚重前接呂盛兩
大臣來電方且代謀捐助今既奉部議提捐款自
當勉力遵照惟桂省實官捐本係減收一切情形
諒爲各憲所共知前接施道則敬電稱滬局共收
報部銀六十六萬有零今擬於滬局收款內撥劃
報部銀六十萬兩卽由施道核明實銀若干解交
江督憲轉發濟振將來卽由江省報銷俾免賠墊
尙求曲諒爲叩

寄外務部

十一月十六日

呂大臣會電

上海華洋義振公會發端於英商李德立係教中人蘇

省官紳並未向領事及商會陳請但會議時彼邀集官紳商在座者不少該公會係彼國善舉實係災區教士所請故必須嚴定散放界限如能併入官義振辦理彼僅派人監視似與國際無關舊金山災聞美廷各國捐助均未收不獨中國此次係出自各國滬商之意與紅十字會辦法相同唯當飭該會仰遵鈞諭如有會外特別捐助關乎國際者自應概行婉辭以崇國體而副厘注

寄端午帥陳筱帥

十一月十六日

呂大臣會電

頃接孫中堂等咸電云云查此間義振已允尊處代籌

一百萬千甫得五十一萬千尙有借款銀十萬兩在內
此後續籌無法自季直諸君工振之議起無非一杯水
彼盈則此絀宣迫不得已思及丁丑奉 旨辦秦晉捐
餘存銀十萬兩解交商部充晉省辦礦經費僅撥過晉
省二萬特懇農工商部借來八萬奏明仍由宣勸辦七
項捐歸還得此尙短二十二萬兩毫無把握今皖省京
官嚴賁兼顧萬分焦灼尙幸桂捐准撥六十萬尊處原
奏撥皖三成約有十八萬兩請速酌示以憑答復

端午帥來電

十一月十七日並致呂大臣

台端與敝處請撥桂捐均奉部駁嗣經江蘇京官

以淮徐災重款細赴部告懇始奉 俞旨是此項
撥款由蘇省祈請而來做處於皖事固分應兼籌
然以蘇省爭得之款協濟皖疆勢難允洽且蘇紳
來電聲明淮撥實銀而桂帥電仍欲照報部虛數
核解則爲數愈少頃已電商鐵尙書請撥他款不
知能否照辦如改撥不成公等有無長策使甯桂
均不至爲難乞指示皖事已告新帥乞壽州設法
紳力較官足公謂何如

寄皖省同鄉京官孫相國謫公

十一月十八日

呂大

戶部撥款一百十萬係歸官振做處義振只有商部八

萬兩而與督撫已約定官籌二成義籌一成不得已由江蘇同鄉息借銀十萬兩所謂捨命陪君子不得不如此善舉本無分畛域已轉電午帥請在桂捐內照原奏提撥皖振三成便有十八萬兩又山西撫台來咨同濟公司允將二萬兩撥還如果撥到可先助皖振又宣懷管電時曾借皖省庫平銀一萬兩前已交電政大臣將此款作爲現銀列收帳冊現今電費充足可否撥還助振乞咨城京卿酌裁

外務部來電

十一月十九日並致呂大臣

本部已電詢梁使美助賑款是否出自商民善舉

准復稱係由紅十字會經收商民攤助總統祇任
勸諭未曾撥款純屬善舉無關國際運船亦歸該
會借用又准午帥電稱美助振出自眾民未便相
卻運糧尙無流弊惟歸中國紳董查放洋員只能
會同監察須由駐使向美政府婉切商明方免後
患等語本部已轉達梁使希查照

寄張宮保

十一月十九日

林道志熙轉示尊文電允留王協統駐萍另選一隊搜
捕湘境餘匪感荷曷極此次名爲上栗市起事實則匪
之眼力全注重在安源一區觀其所供在安源勾結六

愚齋存藁

卷七十一

電報四十八

七 愚補樓藏版

千餘人不僅礦外有匪卽窿內亦有匪設非鄂軍勦辦
神速勢必轟炸機礦使數百萬商本盡付灰燼公神威
毅力獨爲其難萍礦垂絕公實生之除飭林道乘鄂軍
鎮懾趕搜匪蹤外謹專電陳謝

端午帥來電

十一月二十三日並致呂大臣

頃電袁楊二道云接睢甯邵紳電江北人性質以
不喫振爲恥以強硬喫得到爲能雖生監之綽可
自存者強索哀求在所不恤等語查現在振款奇
絀總以專放極貧爲主此呂盛兩大臣所云只能
救命不能救貧若可以自存之人亦思冒領安有

許多振款徧應所求且冒濫既多勢必極貧者反不能盡霑實惠尤非從嚴查禁不可應由該道等迅卽撰發剴切告示通飭查禁一面切囑各義紳不避嫌怨力杜此弊倘刁生劣監藉端滋鬧定卽拿案究辦等語謹聞

又十一月二十三日並致呂大臣

接徐州袁道田守吳丞並劉韓柳邵各義紳箇電云電示限災民口數應遵辦惟約計萬難如限五歸總在五十萬口外二十四五年義振口數略同今又多歸振卽冬春各放一次來春災象更重戶

口更多款已不足三次萬難敷總之春振重於冬振深知籌款維艱現冬振已放一千可否春振兩次併作一次或仍放兩次按口酌減錢數或各就災情體察酌併應如何辦法均乞速電示遵等語查銅蕭兩邑災情較輕袁道前稟本擬僅放春振旋經鄙人加放冬振各定四萬數已不少邳宿極貧人數前接義紳印委來電各僅十萬上下睢甯地小似不能與邳宿並論今來電統稱數在五十萬口以外是較輕之銅蕭人數反多於較重之邳宿也現在官義兩振款項奇絀只能專放極貧是

以電囑復查嚴剔至再至三原期少一冒濫之人
卽極貧多受一分之惠今若畏剔除之費事而遂
不顧籌款之維艱甚非兩公及鄙人迭次諄囑之
意鄙人籌思至再此事中有三難來電謂人數總
在五十萬口以外而聞振歸來者不在其中每放
一次卽需錢五六十萬串無論官款無此鉅數卽
議振亦有不敷一也若照該道府所請或僅放兩
批或酌減錢數仍是勻攤辦法自今冬以至春暖
爲日甚長深慮極貧之人無以保全生命二也現
卽責令從嚴剔除必照原定三十萬之數自屬正

辦第恐此外果有遺漏於心亦有未安三也茲擬酌照兩公前定海州辦法徐州五屬以三十萬爲極貧每日給錢一千此外務屬各義紳與印委等恪遵兩公前電緊查緊放勿稍浮濫如實有萬難剔除之戶准作爲次貧每日給錢五百以示體恤而免向隅惟五屬次貧不得過二十萬之數俾有限制是否祈酌核賜復並徑電各義紳照辦

又

十一月二十四日並致呂大臣

部撥桂捐溢款六十萬聲明實銀堅帥來電則謂賠貼太巨款無從出做處不得已電商鐵尙書請

改撥他款頃得復電云已奏難改桂捐收至五百五十餘萬令撥實銀不至爲難已由部電桂省照辦等語查堅帥來電此項溢收捐款似在施道處究竟溢收百萬之說是否確已捐足如尙有虛額似可加之捐生如已收齊祇能別籌彌補公等於辦捐情形最爲洞澈乞速邀施道妥商卽電堅帥設法措注至辦捐減讓各省皆然堅帥爲難情形敝處早經料及旣不便向堅帥專說官話又不能不要實銀因此堅帥電尙踟躕未答並乞告施道於電函中先致鄙意

愚齋存案

卷七十一

三

寄端午帥

十一月二十五日

呂大臣會電

卓籌辦法寓體卹於限制之中所慮三難仁至義盡已
電囑徐州五屬義紳一體遵辦以副德意

端午帥來電

十一月二十五日並致呂大臣

頃電清江楊道並桃源印委義紳云廉紳敬電悉
桃源災情本非最重極貧以十萬爲度豈得爲少
以海州而論復查極貧不過二十萬桃源地無其
廣何反有三十萬之多明係該印委僅憑董保冊
報並未親自確查而董保等積慣舞弊濫將可以
自存之戶混入其中以爲將來需索地步近來各

處具控董保藉振扣忙漕扣練餉不一而足且查
得山陽冊載災民內有殷實鋪戶宿遷所領振款
以購皮衣烟燈種種弊混難以悉書振款幾何豈
能禁此冒濫現若責成義紳剔除是官市恩而紳
斂怨來電云桃民强悍恐滋事端亦爲應有之慮
至請改爲大口四百小口二百與各處辦法懸殊
是使可以自存者任意冒領而極貧者所得甚微
反難全生命甚非鄙人與呂盛大臣諄囑之意總
之此項振款原爲拯救民命自以專放極貧爲主
應將該印委等嚴加申飭勒令於五日內復查將

可以自存之戶一律剔除再由廉紳核實散放倘有刁徒痞棍恃眾滋鬧卽行嚴拿重辦如能由該印委先將侵漁舞弊之董保痛懲數人置之重典尤足警戒經此電飭之後該印委如再畏難苟安仍不認真辦理定卽從嚴參辦至桃源現應加撥官款若干應由楊道體察情形在於存銀十萬之內酌量發給具報再積穀何以僅止六千並望就近確查勿任含混等語是否祈核示

又十一月二十五日並致呂大臣施觀察

濛電奉商桂捐撥解實銀事想已鑒及此事弟已

一再籌度桂捐收數逾額部文本令退還幸因江北振需乃得通融照准可卽以此意廣告捐生凡上兌及某月以後者酌令加成彌補撥款以符部定實銀之數必俟加成繳足始將捐案達部仍明定補繳期限不繳則銷照還銀准他人頂獎其願繳者另給撥歸江振收條於桂捐全案亦無歧混當此實官永停之際各捐生僅令加成分則見少而保全垂失之功名又有振災之義舉於事勢必無阻礙在捐局亦振振有詞尙祈諸公妥商定議卽電達堅帥施行一面先行籌解江粵兩全之法

似無逾此如施道尙慮捐生疑阻則敝處當電商
堅帥竟將溢收款六十萬全數發還捐生由江南
捐局照部撥實數代桂省另籌抵獎頃刻可集公
謂何如盼示復

寄端午帥

十一月二十六日

呂大臣會電

讀致桃源印委義紳電洞若觀火莫名欽佩頃已遵照
電飭廉紳矣此次公早燭見印委絕不查戶祇憑董保
造冊乃欲責成義紳親查親放弟等亦不辭勞怨三令
五申不料木已成舟竟難辦到今亦何難勒令再查一
恐滋事二恐耽遲只好將就放過一振再作道理

端午帥來電

十一月二十七日並致呂大臣

本日外務部來電云本部前電駐美梁使婉商美
廷振款仍歸中國紳董查放茲准電復迭經與美
政府商妥電滬美領代表十字會監察照料其施
振之事專由華董聽候午帥指示辦理等語特轉
達等語特聞

又十一月二十七日並致呂大臣

山陽災情較輕乃該印委等原查災民人數至二
十餘萬之多甚且有殷戶鋪家在內似此冒濫殊
堪痛恨閱致高紳等電甚爲切要應卽照此辦已

嚴飭原查之印委妥爲照料彈壓倘有刁民不服
覆查任意滋鬧定惟該印委是問總之此次振務
大半壞於不肖印委董保之手但經查有實據惟
有從嚴懲辦鄙人亦別無他法也

寄端午帥

十一月二十七日

呂大臣會電

昨寄施道函到否奉有電轉示施道頃據函稱查職局
代咨桂捐十六批統於十月三十限內達部中有在京
引見各員早經呈請核准換照礙難扣獎且折收係奉
桂撫批准核辦非捐生短交亦非職局擅減未便失信
況外辦章程不便敘列公牘設均飭令加成是先坐實

減成已干部定嚴參之例卽現議展辦七項捐款亦將
無人過問於振需大有關礙又查此次報部十六批職
局經收者均在原額百萬之內餘皆代各省捐局核咨
收捐各有經手無須職局廣告請代陳等語查該道所
陳窒礙各節亦屬實在情形應如何兩全辦法仍候主
持示復

又十一月二十七日 呂大臣會電

此次籌捐難運錢亦難五批至今未運邳宿海安盼錢
尤急前商鄂浙承浙允換六萬兩已往運香帥復云已
讓賈賤價之銅六千擔與江南鄂已坐虧六七萬金此

卽因尊處兩電振款銅元起見故勉強曲從亦與賤售
銅元無異等語查振錢附鑄部已准行義振原議尙少
五十萬千除浙換十萬二千千約少四十萬千可否卽
用鄂川銅附鑄日內摒湊交銀十萬兩務求迅撥錢十
七萬千以便趕運下剩二十三萬千亦乞臘月初旬一
起付清總期二十邊運到災區免再延誤不勝感禱乞
速復

寄江甯端午帥鎮江張季直殿撰清江許九香觀察
月二十七日 呂大臣舊電

聞省銅元晉益升認捐二萬胡大使認捐四萬九翁託

歸徐道子青經手徐電以胡稟閩督在先晉贖運在後
請電帥飭關暫扣頃瑞道稟胡晉糾葛事隔閩滬難得
底細不如查照閩省市價酌提振款由官收買運滬災
區散放較爲實濟等語查隔省運錢原爲災振現在災
區需錢甚急瑞道所議實有見地可否卽飭瑞道傳齊
兩造卽將進口閩錢按照定價由官收買運赴災區以
益振需而昭平允乞核示

寄江甯端午帥徐州袁道台田太守

十一月二十七日
呂大臣會電

疊據邳州義振官紳電稱邳振愈查愈苦剔戶愈難有
被剔自經者查戶友懼而告退還復親查無可再嚴計

地計戶視雖猶倍猶不止就已查推計款約不敷四五萬現草枯樹老覓食更艱目擊心酸不得不爲災黎乞命此間請款作兩縣論便見少且剔戶已嚴至官查口數不知底細所有二批錢八千五迄未到三批乞飭速運匯銀不如南京兌錢便宜等語劉紳康遐刪電邳振共得十二萬六千千似可敷放故尊處續允二萬兩退還今則愈查愈苦自係實在查戶並非全憑報冊只得飭令酌量從寬極貧一千次貧五百了此一振切囑萬勿因寬致濫應請設法量加做處應亦再籌接濟救人救徹只可放手做去不能中止矣

北京惲薇孫學士來電

十一月二十八日並致呂

大臣

振采交閱各電敬悉七項常捐一時難以集款已
商由孫道建中先墊十萬元解甯望諸公向午帥
商請此款專辦江南振撫鼎舉揚州劉樸生朱學
程襄辦義振已蒙午帥奏調二君誠實可重也

寄端午帥恩新帥

十一月二十八日

呂大臣會電

皖災情形極念本無畛域可分惟淮徐海各災區愈查
愈重官義款皆奇絀紛紛續請窮於應付午帥所深知
青敝處前復孫相國諸公電請在桂捐內照原奏撥皖
三成又山西同濟公司允將勘礦餘款二萬兩撥還到

卽助皖又宣懷管電時曾借皖庫平一萬兩前移交電政大臣作爲現銀收列帳冊現電費充足擬請沓城京卿撥還助振此三項似皆有著之款不無裨益弟等數日以來搜索枯腸媿無報命以致肅復稍遲乞原鑒

端午帥來電

十一月二十九日並致呂大臣

二十五函並沁電均悉施道所陳自是實情敝處前致鐵電係屬私商因此項撥款由江蘇京官呈請而得敝處接京官公電有准撥實銀六十萬字樣似明知捐局例有減讓特予聲明實銀如敝處默無一言將來必遭京官責問因此電請設法改

撥他款絕無與桂爲難之意且屬原電勿送度支部譯署與施道所慮正同及復電云已電桂屬撥實銀更慮滬局無從措注因有加之捐生之議姑備一說刻知施道經手桂捐早經達部自可毋庸置議振需得此大宗接濟施道實發其端敝處尙不欲與堅帥爲難豈有反使創議協濟人爲難之理乞卽轉致施道爲幸

寄北京農工商部唐蔚芝侍郎 十一月二十九日

榕軒京卿振款千兩遵俟收到歸入義振散放此次義振敝處認籌一百萬千勸募之外益以借墊共得七十

八萬千左右尙短二十餘萬千實已智盡能索無可再
籌官款亦同此奇絀迭次會同午帥嚴飭各官紳緊查
緊放俾無遺濫近據各災區報告愈查愈苦愈放愈多
來日方長窮於接濟公關懷大局篤念梓桑尙祈始終
提倡無量功德清淮災民陸續遣回人心粗定地方印
委經午帥懇勅當不至仍前玩泄振事較前似略就緒
所苦者籌款困難耳知鑒謹聞伯葵總憲諸公並先致
意

寄端午帥 十二月初一日 呂大臣會電

讀尊致楊道袁道各電酌盈劑虛信實必罰體卹限制

兩協其宜蓋籌佩慰楊道苦心勤力地方賴以不擾皆
公知人善任之效也山阜辦法已電囑該紳恪遵銅元
承催鑄感甚

端午帥來電

十二月初一日並致呂大臣

楊道艷電清江浦饑民已收入者五十八廠均遣
散完竣連前共三十四萬八千七百九十三口其
未收廠者亦陸續遣回截數再報此外尙有鹽河
北二十二廠現正趕辦資遣數日內亦可一律肅
清等語江北自義紳到後各原籍散放得法災民
紛紛願歸清江自易楊道事事得手災民麇集一

隅立能遣散辦理妥速實爲始料所不及公等澤溥窮檐地方官亦陰受其福拜惠不淺

寄端午帥

十二月初一日

呂大臣張殿撰會電

海宣前爲多籌振款請扣晉益升銅元響爲許道頗被商界責望特來晤商海宣確究底蘊此事以滬道據晉益升稟電詢問銅幣局馬道語最爲明晰晉益升係收回閩局抵償前欠之銅價立有合同載明無論如何銷售盈虧與公家無涉且閩欠銅價三十萬幾及二年賠息已有四萬七八千兩他費又萬餘兩加以助振二萬串已合十萬元外以界說論晉益升自爲一事徐保明

備銀四十萬兩請崇帥准予承領銅元至蘇銷售願助
十萬兩初不指明所領係何項銅元於界說爲又一事
卽謂同此一宗晉益升在前徐胡在後晉益升有正確
自賣之案徐胡無強硬向買之權晉益升助振出已之
所收徐胡助振利人之所有旣已查明就事論事滬關
前扣晉益升閩元四十三萬串應請電飭滬道發還晉
益升願於前助二萬串外另再捐助不願牽入此事內
加增致損名望商界亦以此爲請應請俯允胡素荒唐
楊道文鼎深知之公可就詢審意徐旣保胡備銀四十
萬兩承領銅元應請咨明崇帥詰問是否確有此項銀

兩承領何項銅元如涉蒙混應予澈究俾做昏罔乞裁奪

寄江甯端午帥清江楊道台分送安東唐紳錫晉桃源
廉紳兆鏞阜甯宋紳滋修淮安高紳長頤海州宋紳治
基轉送沭陽劉紳增青口嚴紳國鈞徐州袁道台田太
守吳丞憲奎宿遷劉紳暹轉送蕭縣韓紳景珪睢甯邵
紳聞洛陳紳慶麟窑灣轉送劉紳康遐
十二月初二日
呂大臣會電
冬振官義合辦隨查隨放不啻三令五申極貧每日一
千該紳等屢言次貧不能剔除午帥已允給五百安東
海州桃源另請通融辦法亦無不允行但求速放爲主

頃聞安東密灣徐州衛遷淮安五處官義振均尙未發連日倒斃不少此言不爲無因試思督撫恐印委拘泥責成義紳而義振向來隨查隨放決無延擱日前安東海州等處諒因戶口不能剔除以致因噎廢食該紳等接此電後務將已有錢文趕緊查放如果錢少戶多不能全放亦應先放一半票不收回候錢到續放以免紛紛倒斃此全在該官紳因地制宜萬不可拘泥遲誤多傷民命並將各縣何日開放迅速電示至盼

寄安慶馮方伯煦壽州卞觀督緒昌

十二月初三日
呂大臣會電

徐淮海冬振弊在印委並不查戶全憑董保造冊一州

縣冊報數十萬口義紳到彼親查戶口嚴剔則鬧事濫放則無款督憲欲官義合辦竟辦不好殊屬抱歉聞鳳潁泗亦有數屬重災尊處能否派員查戶分別極次不全憑董保造冊儘錢攤放可否詳示苟可設法相助無不効力

安慶馮夢華方伯來電

十二月初四日並致呂大

電諭軫念皖災慨然樂助感刻無量皖北災情宿靈五泗最重據各印委報已放春冬二振雖云遵飭查戶分別極次竟否實未能遑度密查尙未復到前擬請魏梅孫劉樸生來俾義振官振劃分爲

二而兩君皆爲徐海所羅稟商午帥尙未決議公處能派義紳辱臨實深感仰宿州五河員紳尙得力當易措手維持保護煦當力任謹爲無算災黎九頓首以待

端午帥來電

十二月初五日並致呂大臣

皖振蒙大力兼籌又得三萬金接濟感佩無量敝處復與新帥會銜電奏請續撥桂捐溢款三四十萬專濟皖北奉 旨交度支部議奏又得壽州諸公在京呈請內外合力必可望准並附聞

愚齋存稿卷第七十一